

高宗純皇帝實錄（一七）

卷一二七二至卷一三四五
乾隆五十二年至五十四年

清實錄

第二五冊

中華書局影印

清實錄第二五冊目錄

高宗純皇帝實錄(一七)

卷一二七二	乾隆五十二年正月上	二五六六五
卷一二七三	乾隆五十二年正月下	二五六八二
卷一二七四	乾隆五十二年二月上	二五六九九
卷一二七五	乾隆五十二年二月下	二五七二三
卷一二七六	乾隆五十二年三月上	二五七四三
卷一二七七	乾隆五十二年三月下	二五七五七
卷一二七八	乾隆五十二年四月上	二五七七五
卷一二七九	乾隆五十二年四月下	二五七九三
卷一二八〇	乾隆五十二年五月上	二五八〇七
卷一二八一	乾隆五十二年五月下	二五八二二
卷一二八二	乾隆五十二年六月上	二五八三九
卷一二八三	乾隆五十二年六月下	二五八五三
卷一二八四	乾隆五十二年七月上	二五八六七

卷一二八五	乾隆五十二年七月下	二五八八一
卷一二八六	乾隆五十二年八月上	二五九〇二
卷一二八七	乾隆五十二年八月下	二五九一七
卷一二八八	乾隆五十二年九月上	二五九三〇
卷一二八九	乾隆五十二年九月下	二五九四三
卷一二九〇	乾隆五十二年十月上	二五九五三
卷一二九一	乾隆五十二年十月下	二五九六九
卷一二九二	乾隆五十二年十一月上	二五九九二
卷一二九三	乾隆五十二年十一月下	二六〇一〇
卷一二九四	乾隆五十二年十二月上	二六〇二七
卷一二九五	乾隆五十二年十二月下	二六〇四三
卷一二九六	乾隆五十三年正月上	二六〇七〇
卷一二九七	乾隆五十三年正月下	二六〇八七
卷一二九八	乾隆五十三年二月上	二六一〇五
卷一二九九	乾隆五十三年二月下	二六一二四
卷一三〇〇	乾隆五十三年三月上	二六一三八
卷一三〇一	乾隆五十三年三月下	二六一五六

卷一三〇二 乾隆五十三年四月上 二六二七九

卷一三〇三 乾隆五十三年四月下 二六二九四

卷一三〇四 乾隆五十三年五月上 二六二二二

卷一三〇五 乾隆五十三年五月下 二六三三一

卷一三〇六 乾隆五十三年六月上 二六三三六

卷一三〇七 乾隆五十三年六月下 二六二五五

卷一三〇八 乾隆五十三年七月上 二六二七五

卷一三〇九 乾隆五十三年七月下 二六二九五

卷一三一〇 乾隆五十三年八月上 二六三三二

卷一三一〇 乾隆五十三年八月下 二六三四〇

卷一三一二 乾隆五十三年九月上 二六三五六

卷一三一二 乾隆五十三年九月下 二六三八一

卷一三一四 乾隆五十三年十月上 二六四〇四

卷一三一五 乾隆五十三年十月下 二六四二九

卷一三一六 乾隆五十三年十一月上 二六四四六

卷一三一七 乾隆五十三年十一月下 二六四六〇

卷一三一八 乾隆五十三年十二月上 二六四七五

卷一三一九 乾隆五十三年十二月下 二六四九四

卷一三二〇 乾隆五十四年正月上 二六五一四

卷一三二一 乾隆五十四年正月下 二六五二四

卷一三二二 乾隆五十四年二月上 二六五四三

卷一三二三 乾隆五十四年二月下 二六五五九

卷一三二四 乾隆五十四年三月上 二六五八三

卷一三二五 乾隆五十四年三月下 二六六〇一

卷一三二六 乾隆五十四年四月上 二六六一一

卷一三二七 乾隆五十四年四月下 二六六三三

卷一三二八 乾隆五十四年五月上 二六六四一

卷一三二九 乾隆五十四年五月下 二六六五五

卷一三三〇 乾隆五十四年閏五月上 二六六六六

卷一三三一 乾隆五十四年閏五月下 二六六八〇

卷一三三二 乾隆五十四年六月上 二六六九一

卷一三三三 乾隆五十四年六月下 二六七〇四

卷一三三四 乾隆五十四年七月上 二六七二七

卷一三三五 乾隆五十四年七月下 二六七五〇

卷一三三六	乾隆五十四年八月上	二六七〇
卷一三三七	乾隆五十四年八月下	二六七三
卷一三三八	乾隆五十四年九月上	二七八〇
卷一三三九	乾隆五十四年九月下	二七八三
卷一三四〇	乾隆五十四年十月上	二八三〇
卷一三四一	乾隆五十四年十月下	二八四四
卷一三四二	乾隆五十四年十一月上	二八五五
卷一三四三	乾隆五十四年十一月下	二八六九
卷一三四四	乾隆五十四年十二月上	二八八一
卷一三四五	乾隆五十四年十二月下	二八九六

大清高宗法天隆運至誠先覺體元立極敷文奮武孝慈神聖純皇帝實錄卷之一千二百七十二

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次臣德慶經筵講官太子少保工部尚書紀錄六次臣曹鼎璣等奉

敕修

乾隆五十二年丁未春正月庚午朔

上詣

奉先殿行禮○詣

堂子行禮○御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜皇子皇孫宗室王公

等宴○辛未

上御紫光閣賜蒙古王貝勒貝子公台吉年班

回部伯克暹羅國使臣並金川土司等宴○召大學士內廷翰林等茶宴以

開國方畧集成聯句○諭上年江蘇淮揚等處

因河水漫溢下游安東山陽清河桃源等縣

田禾被淹業經降旨令該督撫加意撫綏蠲

賑兼施災民自可不致失所第念今春正賑

已畢青黃不接之時民食恐不無拮据著再

加恩將淮安府屬之清河桃源安東三縣揚

州府屬之高郵寶應三州縣勘明成災十分

之各村莊無分極次貧民各加賑兩個月又

淮安府屬之山陽清河桃源鹽城阜寧五縣

揚州府屬之江都甘泉泰州東臺高郵寶應

興化七州縣直隸海州勘明成災九分八分

之各村莊無分極次貧民各加賑一個月以

資口食其餘淮安府屬之山陽清河安東桃

源鹽城阜寧六縣揚州府屬之江都甘泉高

郵泰州東臺五州縣直隸海州并所屬之沐

陽一縣又江寧府屬之江寧上元江浦三縣

勘明七分五分及勘不成災之各村莊戶口俱著酌借籽種口糧以資接濟該督撫務董飭所屬實心經理俾茅簷蔭屋均霑渥澤以副朕軫念窮黎普錫春祺之至意該部即遵諭行○又諭上年安徽省安慶鳳廬滁泗等府州屬夏間雨澤過多山水漲發低窪地畝間被淹浸節經降旨令該督撫詳晰查明分別蠲賑俾災黎口食有資不致失所第念今春正賑已畢青黃不接之時小民生計維艱著再加恩將鳳陽懷遠定遠靈璧鳳臺壽州泗州盱眙天長五河滁州全椒來安合肥廬江等十五州縣被災八九十分貧民無論極次概行加賑一個月以資接濟其衛所饑口及貧生兵屬並著照正賑之例一體辦理至被災七分五分貧民及勘不成災之區仍著該督撫察看情形或借給口糧籽種或減價平糶分別酌辦該督撫務須督飭所屬實心經理俾災黎均霑愷澤以副朕惠愛閭閻用

普春祺至意該部即遵諭行○諭軍機大臣等現在臺灣彰化地方有賊匪林爽文等糾眾滋擾刼縣戕官一案水師提督黃仕簡陸路提督任承恩俱已帶兵渡臺勦捕漳泉地方緊要不可無大員彈壓藍元枚係福建世家眾所深悉於該處情形自能熟諳著傳諭藍元枚即行馳驛迅速前往泉州署理福建陸路提督即駐劄蚶江一帶幫同常青調度接應一切事宜以期迅速肅事所有江南提督印務著李世傑於該省總兵內揀選暫行署理○閩浙總督常青奏接據臺灣鎮道會稟賊匪於十一月二十八日夜攻陷彰化縣城都司王宗武被害復欲由鹿仔港笨港一路來犯府城當即飛飭員弁帶兵救援又據興泉永道稟稱賊匪攻陷彰化復於十二月初六日攻陷諸羅現在柴大紀帶兵并召募鄉勇守城遣員來厦請救查林爽文藉隸漳州其附從率多漳屬難保無內外勾連漳泉

兩郡為內地根本。尤為緊要。臣一面移咨兩廣督臣於漳州連界之潮州等境一體防範。一面督催兵弁渡臺。協力進剿。務期剋日蕩平。知府孫景燧業已被害。現飭福州府海防同知楊紹裘署理。其餘被害文武容俟查明具奏。又福建巡撫徐嗣曾奏。彰化諸羅俱陷。賊勢方張。必須厚集兵力。以速蕩事。現於臣標及督標水師撥兵一千五百名。並調上游之建寧延平兵一千名來省備調。又飛咨廣

東浙江撫提各臣於附近水師營內酌撥備戰兵二三千名於本境駐劄。以備徵發。又據淡防新莊巡檢王曾鏞稟稱。賊人現踞後壠。當即招集鄉勇捕剿。現聞塹城已失。程同知被圍。不知著落。淡水都司全營兵丁俱駐艋舺堵禦。但兵力單弱。必須發兵赴援。臣即將現派備調之省兵一千五百名。飭令閩安協副將徐鼎士等帶赴該處剿捕。諭曰。常青此次所奏派兵剿捕各事宜較從前稍有主見。

畧知鎮定。但常青摺內稱逆首林爽文係漳州人。其附從之徒率皆藉隸漳屬。其中難保無內外勾連情事等語。此等匪徒糾眾滋事。無論何處民人。其從賊者即係夥黨。自應按名駢戮。若漳泉民人鄉勇果能應募拒賊出力堵禦防守。自應加以獎賞。不應豫存岐視。稍露形跡。轉致漳民心生惶懼。別滋事端。此時水陸兩提督先後帶兵渡臺。已有六千餘名。徐嗣曾又經派撥兵丁一千五百名渡臺。

協剿。兵力不為不厚。但閩人性本慆輕。若零星打仗致有挫失。是輕為嘗試。轉足以張賊勢。而餒官軍之氣。於事尤屬無益。著黃仕簡任承恩。務須俟各路兵丁到齊。約會日期。同時併力夾攻。自無難一舉蕩事。該督等總須鎮定持重。再徐嗣曾奏飛咨廣東浙江二省督撫提督於附近水師營內酌撥戰兵二千名。各於交界本境駐劄。如需眾應。便於徵發。亦可藉為聲援等語。此時似可無需隣省

接濟兵力。然備撥亦可。總宜不動聲色。密為佈置。不可稍涉矜張。驚動衆聽。至臺地會匪究係何會。與有幾年。聚衆數千。蔓延滋擾。刦縣戕官。該地方文武。平日所司何事。豈竟漫無覺察。並著常青於事定後。查明嚴叅示儆。但非目前急務。此時惟當鎮輯內地。速勦賊匪為要。○壬申諭。現在熱河備工銀兩較少。著於廣儲司撥銀十萬兩。照例運至熱河備用。○又諭曰。軍機大臣會同刑部。覈議福建南靖縣匪犯陳薦等糾夥行刦一案。將潘聰等十三犯改擬絞決一摺。此等匪徒。逃匿山寨。糾夥搶刦。原非尋常盜犯可比。自應從重辦理。但念潘聰等十三犯究係夥黨。並未傷人。情尚可原。朕斷不肯因現在臺灣有林爽文等刦縣戕官之事。遷怒及彼。概予駢誅。所有潘聰、李雲、朱厚、林照、沈連用、沈民、林丑、邱奎、黃佛、林牽、沈銳、汪廣、陸潭十三犯俱著改為應絞監候。秋後處決。交該撫嚴行牢固收

禁省監候。本年辦理秋審時再降諭旨。○諭軍機大臣等。臺灣賊匪林爽文等聚衆滋事。刦縣戕官。一事前據黃仕簡任承恩各奏。俱帶兵先後渡臺進剿。朕初以此等匪徒。不過一時烏合。不值水陸兩提督前往同辦。嗣據常青奏黃仕簡於十二月十五日自廈門放洋。任承恩於十七日登舟開行。會同進剿等語。任承恩既已同往。務須與黃仕簡同心協力。鎮定持重。努力勦捕。若能剋期撲滅。迅速肅事。是即有功而無過。朕必將該提督等加恩獎賞。其出力員弁兵丁等。亦必從優議敘。昨常青徐嗣曾等奏到各摺。內稱總兵柴大紀帶兵堵住離府城十里之三坎店。召募鄉勇。緊守府城。十一日與賊打仗。大施火礮。賊勢稍退。是現在府城業經嚴密防守。可保無虞。俟大兵到齊。同時并力夾攻。自可即日蕩平。所有首夥各犯。拏獲之日。即在該處迅速正法。一面奏聞。毋庸再行分別請旨。辦理。致

滋耽延○癸酉諭軍機大臣等據保寧奏請
來京陛見並請將總督印務交鄂輝暫署等
語鄂輝來京瞻覲朕察其才具尚可暫署督
篆已諭令鄂輝即行起程回任保寧俟鄂輝
到川交卸督篆即來陛見再提督成德曾於
上年十一月內奏請陛見現在保寧已准令
來京該省將軍提督止有鄂輝一人成德未
便遽離該處著傳諭成德緩至冬間即帶領
年班土司赴京至藩司王站柱亦欲來京陛
見著俟保寧回任後已屆四五月之時該司
將奏銷辦理完竣再行起程來京將此傳諭
保寧并諭成德王站柱知之○又諭據福康
安奏西安城內鐘鼓樓座及潼關城垣年久
坍塌請動項修理一摺西安鐘鼓樓座及潼
關城垣既已坍塌自應修葺完整以壯觀瞻
德成現在川省驗收城工已延三業已陛見
回任著將原摺鈔寄德成俟伊在川省收工
完竣回京之便順道至西安潼關等處會同

已延三詳悉履勘覈實估計奏聞辦理除傳
知已延三外將此由四百里傳諭德成知之
○甲戌

上詣

雍和宮行禮○諭據書麟奏安徽安慶廬州鳳
陽潁州等府屬之十六州縣應徵舊欠及歷
年災緩錢糧等項為數較多若同時並徵民
力不無拮据等語安慶等府各屬俱係災歉
之後去年春夏雨水稍多又災後疫氣交作
民間元氣未能遽復若令新舊並徵小民輸
將未免拮据所有安慶府屬之懷寧桐城潛
山太湖宿松望江廬州府屬之舒城鳳陽府
屬之宿州潁州府屬之阜陽潁上亳州蒙城
太和霍邱和州并所屬之含山等十六州縣
去年應徵舊欠及歷年災緩錢糧借欠本折
籽種口糧等項俱著緩至今歲秋成後補徵
以紓民力該部即遵諭行○乙亥享
太廟遣肅親王永錫恭代行禮○遣官祭

太歲之神○

上詰

大高殿行禮○詰

安佑宮行禮○幸圓明園○諭原授公銜鄂爾

多斯台吉衮扎布多爾濟從前因唆伊母混

行首告將伊拘禁空房今已數載當亦知悔

罪安靜矣著施恩釋放交該盟長等嚴行約

束至原封公爵宗室永芝因蓋房匠役侵蝕

銀兩令家人毆傷匠役致斃業將伊家人擬

抵永芝著施恩釋放交該族長及伊伯叔輩

嚴行約束毋再生事原任總督富勒渾獲罪

監禁年已老邁念其向曾出力著施恩釋放

回家俾自省愧悔以示新年推恩至意○丙

子

世祖章皇帝忌辰遣官祭

孝陵○諭曰原任山東運河道沈啟震前因守

制回籍迄今已一年有餘現在東省有辦理

疏濬河渠事宜沈啟震尚為熟諳著即赴該

省專司挑辦聽候差委○又諭向來秋朝審

人犯內有業經緩決三次以上人數積多每

屆數年勅令刑部堂官量為查奏減等以示

法外之仁今自乾隆四十九年十一月查辦

之後至五十一年秋讞擬入緩決者又積有

六千餘名其數已為不少著刑部堂官將上

年秋朝審緩決至三次各犯照前次查辦之

例逐一查明各按所犯情節分別減等發落

以昭矜恤該部即遵諭行○諭軍機大臣等

據蘭第錫奏運河東西兩岸支幹河渠現在

均須挑挖疏濬前任運河道沈啟震於五十

年守制回籍已經一年有餘請令赴東省協

同催查辦理等語此屬可行之事已另降諭

旨令該員前赴東省矣但現署運河道羅煥

向聞其於水利河道頗為熟悉何以該督奏

摺內祇稱工段繁多急需挑濬而於該署道

辦理河務是否勝任之處並無一字提及轉

似該道不能料理裕如需人幫辦光景看來

似因東省微山湖上年水勢微弱不能收蓄又聞該處有太行隄一道經行旅車馬往來碾踏隄工日漸傾圯且從前青龍岡缺口漫水下注支幹河道不無淤墊前年雖經興工挑挖究未一律深通以致坡水不能收束入湖此時自應實力疏濬俾溝塍支幹通流宣達以期來源旺盛微湖蓄水有盈無絀方為妥善羅煥現在專管運河不能分身前往所有微山湖上游一帶疏濬渠幹收蓄坡水事宜著即交沈啟震來往履勘專司其事悉心籌辦至現署運河道羅煥於辦理河務是否實能勝任之處著該督據實覆奏將此諭令知之尋奏署運河道羅煥在東二十餘年於蓄洩機宜諳熟實堪勝任惟運河綿長一千餘里現在各處挑工將來啟壩後糧艘經行均羅煥一人往來稽查而微山湖水連年收蓄不能充裕必得專員辦理今特派沈啟震董司其事臣與羅煥仍不敢稍存諉卸報聞

○閩浙總督常青奏彰化賊匪林爽文等攻占城池先經臣等派撥官兵六千名三路赴剿因聞竹塹地方亦被賊踞隨又密飭海壇鎮總兵郝壯猷統領赴淡官兵一千五百名相度情形或赴新莊或赴南路而鹿耳門為臺地咽喉尤須厚集兵力茲復添派督撫二標兵一千名檄令原任閩安協副將徐鼎士帶領福寧鎮并桐山羅源等營兵一千名令福寧右營遊擊延山帶領由省城南臺口及福安白石口配船過臺交水師提臣黃仕簡調度俾賊匪剋期殄滅浙江巡撫覺羅琅玕奏接准福建撫臣徐嗣曾咨會於附近水師營內酌撥備戰兵三千名以待徵發臣即飛咨各提鎮於提標及溫州黃巖二鎮標營內揀派三千名在交界處所駐劄仍分委道府等官酌派兵丁於各緊要海口實力防範諭軍機大臣等從前勦捕朱一貴黃教二案調兵若干名該督自有成案可查今常青既令

任承恩帶兵由鹿耳門前進又復加調官兵陸續渡臺并咨會粵東浙江酌備戰兵以資策應臺灣常有糾眾不法之事此次常青等何以張皇畏懼至此徐嗣曾亦有移咨隣省一體豫備之舉而琅玕此奏尚有主見不至過於惶遽著傳諭該督等務宜鎮定妥辦不可張大其事使沿海民心生恐懼於地方大有關係至常青摺內稱探得澎湖兵於十二月十四日到臺郡安平林遊擊亦帶兵赴

援現在賊勢稍退等語郡城防守嚴密全臺根本尚不致有他虞黃仕簡等務須俟各路官兵到齊約會日期同時併力夾攻自無難一舉蕺事勦捕淨盡常青徐嗣曾琅玕尤宜嚴飭沿海文武員弁截拏逸回匪犯毋使一名倖脫○丁丑

上御山高水長大幄次賜蒙古王貝勒貝子公台吉年班回部伯克暹羅國使臣並金川土司等宴○諭曰刑部將現在監禁官犯及蒙

古外省各官犯摘敘事由開單進呈朕詳覈案情內蘇泰前因臺灣刁民聚眾一案並不執法嚴拏反出示勸和實屬廢弛不職現在又有奸民林爽文等搶刦滋擾之事皆由該犯在任時諸事因循玩誤所致又格通額因周八與伊妾商約同逃該犯起意將周八誘至家中連砍斃命有心致死蘇泰格通額情罪俱難輕貸仍著牢固監禁至蘇卜東阿玉慶一因勸令伊妻節省用度不服起衅一因伊妻不聽伊姑教訓斥責爭鬧毆斃均係毆死不順之妻情有可原著即行釋放德克進布扣存塘工木價係為家人劉三所愚與侵欺帑項者有間業已二次未勾著發往伊犁効力贖罪劉得王士幹楊仁譽司得壽三達子素爾方阿聞世豪長明永善圖山沛滿成納蘇圖姜興舟王治岐蔡薰均係歷次免勾之犯覈其情節皆尚可原俱著加恩減等照例發落蒙古台吉齊巴克多爾濟博和岱一

係侵蝕恩賞一係致斃人命情罪較重但係外藩蒙古已經免勾俱著加恩釋放交與該盟長等嚴行管束不許復滋事端以示朕格外施仁用普春祺至意該部即遵諭行○閩浙總督常青奏臣前聞竹塹被賊占踞當即密飭統兵赴淡水之總兵官郝壯猷前往相機策應今撫臣又派兵一千五百名赴勦實為緊要得力惟是臣續調之兵已派令副將徐鼎士帶領而撫臣所調之兵據稱亦派該副將實緣省城距泉較遠同時調派以致關會不及臣隨改派在省之延平副將林天洛帶臣續調之兵過臺隨水師提臣黃仕簡進勦再查督撫兩標除派撥防守外統計兵四千四百名今已派出三千三百名會垣重地尚須留兵駐守據撫臣札稱復調上游之延建鎮兵一千名來省備遣應俟該二處兵丁到時即留會城駐守福建巡撫徐嗣曾奏臣以淡水地方緊要即飭閩安協副將徐鼎士

遊擊吳秀統領省兵一千五百名進發連日接據蚶江通判陳惇廈門同知劉嘉會等稟報鹿仔港一帶現有泉州興化廣東客民各書義民字樣共相守護復准提臣黃仕簡亦因淡水新莊巡檢王增稟報現於艋舺地方募雇鄉勇堵禦咨臣撥兵救援臣即添派員弁隨副將徐鼎士等前往正在候風遣發接准督臣來咨亦調督撫二標兵一千名交徐鼎士統領赴鹿耳門協勦查淡水等處待援既急而鹿耳門一路必須厚集兵力臣前所調延建兵一千原以備督臣調遣應即飭令赴泉候督臣派員統領進勦再廈門對渡鹿耳門較閩安更便臣已飛劄廈門備船俟兵到飛渡諭軍機大臣等總督統轄營制全省兵弁凡有調遣自當聽督臣主政巡撫雖亦有封疆之責不得稍存膜視但調發兵弁應札商督臣公同檄調况無迫不及待之情形也此乃國家體制不可紊越今徐嗣曾惟

恐毫無調度跡涉推諉是以紛紛徵發以見留心努力並咨會廣東浙江等處挑備戰兵豫資策應使本省兵弁號令兩歧事權不一且省垣重地自應多兵駐守今輟轉更調亦非慎重根本之道該撫於此案初起時尚能鎮定其後何以冒昧若此但究屬為地方起見尚無大咎亦不得因有此旨過於畏葸而置要務於不問且督撫因此或致不睦更於公事無益徐嗣曾惟當與常青彼此和衷籌

酌機宜協同妥辦以期迅速歲事至該督等摺內所稱鹿仔港等處有客民義民共相糾集守護地方等語該處商民等激發公義保護地方甚屬可嘉著該督撫俟事竣後公同查明分別獎勵○戊寅

上還宮○是日起

上以祈穀於

上帝齋戒三日○己卯諭每年新正元旦及八月慶萬壽之期所有守護各

陵貝勒貝子公大臣等皆輪班特來朝賀朕念伊等逢朕巡幸各處既已接駕朝覲而新年及朕萬壽各處又有望闕拜賀之例嗣後朝正慶壽毋庸前來俾省勞費其總管等亦著一體遵行又諭曰琅玕奏浙省漕白幫船節年借領各款有未完銀一十六萬八百餘兩本年應扣八萬二千兩零請旨分別寬限完繳以紓丁力又另片奏稱浙漕本年應行搭解四十七萬八千九百等年緩交餘米及失風賠

補米共二萬二千九百七十餘石請於本年先搭解一半餘俟下運解交各等語浙省丁力疲乏各幫扣項既多辦運恐致拮据著加恩將極疲扣款較多之台前台後溫前溫後處前處後金衢所杭頭杭二嚴所嘉白湖白十二幫借款銀十三萬九千一百五十六兩零於五十一年為始分作八限扣繳次疲扣款較少之寧前寧後杭三杭四湖所海所嘉海紹前紹後九幫借款銀三萬一千六百八

十三兩零。於五十一年為始分作六限扣繳。其各幫應行搭解餘米二萬二千九百七十餘石亦著加恩。於本年先行搭解一半。餘俟下運全數解交。以示體恤。該部即遵諭速行。○又諭前據常青等奏閩省臺灣有奸民林爽文等糾眾戕官占奪縣城一案。即經諭令該督等督飭鎮道等實力查辦。並經提督黃仕簡等帶兵渡臺堵截搜捕。嗣據常青等奏總兵柴大紀等用礮轟擊十四日澎湖兵到賊勢退避。本日復據常青奏有賊夥吳異人到艋舺地方稱欲帶兵接應賊人。經署都司守備易連將吳異人等四犯拏解營中梟示。又有監生黃朝陽等並本處及廣東省義民各五六十名不等募集鄉勇協力攻殺賊匪。鎗礮齊發殺死匪犯數百名。餘賊望風奔散。各等語。林爽文於光天化日之下膽敢糾眾戕官占據縣城實屬罪大惡極法不容誅。該署都司易連於賊夥吳異人等前往助賊時

即擒拏斬梟以安民心所辦甚屬可嘉。易連俟事竣後著該督給咨送部引見。至該處生監商民激發公義糾眾攻殺賊匪保護地方實可嘉獎著該督等查明分別旌賞以示優獎。其義民內有被賊傷害者并著該督等於事竣後查明具奏照陣亡兵丁之例一體議卹。○又諭曰臺灣奸民林爽文等糾眾滋事一案該督常青勦捕逆匪一切調度堵禦機宜辦理尚屬鎮靜妥協。現在水陸兩提督業經渡臺會剿逆匪自無難立時撲滅。惟是海疆重地將來善後事宜均須妥協籌辦。常青係初任總督恐未能料理裕如。李侍堯久任封疆雖於軍旅未嫻而辦理地方事務於輕重緩急機宜較為熟練。李侍堯著調補浙閩總督即馳驛前赴新任。湖廣係腹地省分且地方寧謐無事。常青自能勝任。即著調補湖廣總督。俟李侍堯到閩接印後常青即來京請訓再行赴任。現在李侍堯自京啟程。常青